


KUSONEKA CHAHAMBANGO

 Echi kupwa ufuku wa Muchitatu, Ngwashikile ufuku unahichi ku...ngwapwile nakuya nakuhanjika, kachi Mwata mwaya nakwitavila, ufukuuno, ha mutwe wachihande wa *Kusoneka Chahambango*. Echi chili vene, mamalelo, etu tunahase kuhaka jise mana ha mutwe wachihande, kaha jino kanda kulikula helu. Oloze Nanguya nakweseka kuzachisa chindende ufukuuno, ha kukafwa cha Shipilitu Wajila. Kaha jino Ngwatondo kutanga kufuma kuli Ndanye, kapetulu 5 na vasi 25. Kaha Natutanga nge ngana:

Kaha chechi vene kusoneka kana vasonekanga ngwavo, MENE, MENE, TEKELE, UFWALASHINE.

Kaha jino echa Mwata ahake kukisula Chenyi kukutanga.

² Kaha Ngwalikomokela kachi ndumbwetu wamwaza, uge lyavene hano, kupwa kaha namalayiti kumwinyika. Nguli... Echi chili nakuya nakushikumuka muli eyi jila. Ngwasakwilila, muli koji chikuma. Kangweshi nakumona likungumbuwa. Kahajino omwo Nguli nakuhanjika kuli kala muthu, Ngwazanga kutala hali vakiko kumeso omwo Nguli nakuhanjika. Echi chili kaha nakusoloka nge chili chakulinunga na vathu.

³ Jino etu tuli nakufwelela kuli Mwata wetu, ufukuuno, shimbu etu tuli kaha nakweseka kumbata lwola lwami na kuhanjika hali ou mutwe wachihande. Ngunatachikiza unapu mutwe waunene. Kaha uli mukakwambulula mujimbu wamwaza-...mutwe wachihande, kaha keshi umwe wa kuka cha Ukalunga, oloze chinapu chachinene cha kuka cha Ukalunga. Ou Mujimba wakuviza chikuma uze Ngunatachikiza ufukuuno, unapu Mujimba wamushipilitu wa Mwata wetu Yesu, hano hamavu; shikaho kupulika, kaha kuhokoka, palanga Echi kupwa vene nakutondeka mukuka cha Ukalunga.

⁴ Jino, mutwe wetu wachihande ufukuuno kuputuka mu Mbabilone. Kaha Mbabilone yapwile yinavatuka lyehi, kulumbununa, mu Shinar. Kaha vachisanyikile, "chikolo cha Kalunga," *Mbambelo*. Mbambelo, kaha kufuma haze vavulukilenga ngwavo *Mbabilone*, kulumbununa "chimbalanganyi." Kaha Mbabilone yasoloka mukuputuka cha Mbimbiliya, mu Kuputuka, kaha yasoloka mukachi ka Mbimbiliya, kaha echi chinasoloka kusongo ya Mbimbiliya, Mukanda wamakumishilo, Kusoloka. Kaha hakupwa nge chili vosena nakuhita mu Mbimbiliya, chatela kupwa mukupwa na lelo.

⁵ Kaha, nawa, vyuma vyosena vili hano hamavu lelo, mujila ya vyuma vya mushipilitu, nge Shipilitu ya Kalunga na shipilitu ya liyavolo, kaha kulifukula chosena na vyuma vyosena

vize etu tuli navyo lelo muno mukaye, vakiko vaputukile mu Kuputuka. *Kuputuka* kulumbununa “maputukilo.” Kaha vyuma vyosena, oloze mwishi ya lijina likwavo na chifwanyisa chikwavo, oloze shipilitu youmwe ize yaputukile mu Kuputuka, kuchineha nakulovoka. Kaha chili kaha nge mutondo kukula, kwiza nakumutwe, kuze nachiya nakupwa nakwiza nahelu kuze kusongo, mwomwo kusopesa chachinene cha Kalunga, kuze Ikiye mwakaya nakukumisa vyuma vyosena. Kaha vize vyapwilenga maputukilo kuya nakupwa na makumishilo. Kupwa kaha na vyuma chize kacheshi na maputukiloko.

⁶ Ou ukiko mulonga va—va Mukakulishitu wakusemuka chachihya kanda lyehi apwenga makumishilo, mwomwo ikiye ali na Kuyoya cha Hayamyaka. Kaha Kuyoya cha Hayamyaka chinapu chihanda cha Kuyoya cha Kalunga Ivane, mwomwo Kalunga napu Hayamyaka. Kaha lizu lyolimwe, lizu lya Greek *Zoe* uze ahanjikile ngwenyi “Kuyoya cha Kalunga,” omwo Yesu mwahanjika kaha ngwenyi, “Nanguhana kuli vakiko Kuyoya cha Hayamyaka,” lize lizu lyolimwe lyapwilenga cheka. Shikaho, muthu kupwa wakusemuka chachihya, shipilitu yenyi vanalumuka, kaha ikiye ejile nakupwa chihanda cha Kalunga, nge ikiye apwa mwana Kalunga. Kaha ikiye ali kaha Hayamyaka nge Kalunga ali wa Hayamyaka, mwomwo ikiye napu chihanda cha Kalunga, ha Kusemuka chenye, Kusemuka cha mushipilitu.

⁷ Jino, Mbavilone valiwanyine kuli muthu wa lijina lya Nimrod, uze apwilenga mwana Hamu, lunga wamupi.

⁸ Kaha Mbavilone yapwile lwola lumwe kapetulu wamunene wa kaye. Omwo eyi mbongi yayinene vayitungile kuze, jimbongi josena jajindende, vosena nakujinguluka, kufweta mulambu, mitelo, na vyangocho, kuli ize mbongi yayinene, Mbavilone.

⁹ Kaha muze, kachi enu namuya nakutanga mu mikanda yimwe yamwaka, nge va *Hislop Two Babylons*, kaha vavavulu mijimbu yamwaka, enu namuya nakuwana nge vakiko vapwile na kunangula chosena kuze. Vakiko vapwile na pwevo muze, Kangweshi kuhasa kuvuluka lijina lyenyi halwola luno, kaha ikiye mwaya nakuwana miji yakulimanyina kaha... kufuma hamavu, kaha kulingisa tulunga muli vakiko. Echi vanachifwelela nge chapwile tulunga vaze Yakuva vambachile kufuma kuli isewenu, vamwe tunga vapwile miji, kaha navyangocho, kupwa kaha na *ism* yayindende kufuma mukulovoka kufumisa vize etu kumona mu kaye lelo. Kachi enu namuya nakutalisa chisemwa chavo, kaha chisemwa cha vyuma evi lelo, echi chinapu chisemwa chochimwe.

¹⁰ Shikaho, Mbavilone kupwa kaha muze muchana cha wilo waunene, kaha kujinguluka kaha natupila ku Kalwiji Euphrates, na Tigris. Kaha apwile mukakuzachila hamwe. Kaha Mbavilone yapwile mbongi yayinene. Kaha lili, pamo wani handulendi na twende milosi nakujinguluka mumbongi; seti milosi sali

josena, ize nayihasa kutunga handulendi na twende milosi nakujinguluka. Vakiko kuhanjika mujijila ja mumbongi ya Mbavilone kupwa na tu handulendi fiti muwihi. Jize jimbango kupwa na kuhima eyiti fiti, kaha mukuzata kupwa na tu handulendi fiti helu. Vakiko vahashile kulaha matemba kulaha nakujinguluka jimbango, na matemba. Kaha vikolo vyapwile vyakutunga na unengu, kaha vize vikolo naviya nakupwa tu handulendi feti. Kaha muzevene mukachi ka mbongi mwatwama nganda, kaha nganda apwilenga litanda. Kaha kuhita hakachi ka mbongi kwiza mukalwiji wamunene, Euphrates. Kachi enu namuya nakutalisa echi, yinapu mbongi ya liyavolo, mwomwo vanachitungu hanyima ya Mbongi ya Kalunga, nge Kalwiji wa Kuyoya kumeso a Litanda. Kaha muli ino mbongi, vakiko vapwilenga na vyavinene, kujinguluka jimbango, kujinguluka.

¹¹ Kaha chapwile chikuma wamunene, lifuchi lyaundume halwolaluze, palanga kuveta kaye vatachikiza, kaha kaye kosena kufweta mulambu. Echi kutwalila lika munsayasi, kaha kupwa na vyuma vyalelo vya sayasi kuhasa kuneha. Echi chapwile matemba akalinwaha, kupwa chakalinwaha, vitwa vya ngolo, kaha kupwa na vikungo. Chapwile chakulimanyina kukaye kwosena.

¹² Kaha jino mukachi ka jimbango, kuze Mwangana Mbetesshazzar apwilenga mwangana mulwola kana lwakusoloka nge etu tulinakuhanjika ufukuuno. Mwangana Mbetesshaza, uze yahanjika Mbimbiliya, “Nevukataneza, uze apwilenga ise,” oloze apwile vene kaka yenyi uze aswanyine, Mwangana Nevukataneza.

¹³ Kaha enu vavavulu anukenu uze Nevukataneza apwilenga maputukilo a mawangana ava Kamafuchi eka na eka, uze mutwe wa ulu. Kaha ikiye ayile ku Yelusalema, vavavulu, milosi kufuma haze, kaha apwile wakukwata va Yuleya kaha kuvaneha vakiko nakwingila mu wangana wenyi, kaha kuvalingisa kupwa vandungo, kaha vakiko vapwilenga ma sayatisiti javo na vyangocho.

¹⁴ Chochimwe nge Russia omu yayile ku Germany. Kaha kuze kukiko vawanyine mbomu yayinene, na vyangocho, vakiko vapwile na ma sayatisiti vamu German. Muze mukiko vakiko chikuma kupwa kuya lika lelo, vakiko kupwa navakiko kutwala kuze. Vavene, vakiko kavapwile nachoko, oloze vakiko vayile na kupwa na vyuma kana nge omu alingile Nevukataneza kuli Vayuleya.

¹⁵ Kaha etu tunawane nge, muli elu lwola, kuze kwapwilenga lunga wakwoloka wa lijina lya Ndanye, kapolofweto ka Mwata, apwile wakutwala muufunge halwola muze. Ikiye kupwa nakulwila mwangana hali vakakutala malolwa, kaha navyangocho, kaha malunga navaka Magi, mu kuyula cha Mwangana Nevukataneza.

16 Kaha jino Belteshazzar ambachile. Mbeteshazzar apwilenga muthu wamupi. Ikiye kazakamineko.

17 Kaha vathu vosena vamu Mbavilone jino, na kukingiwa nge omu vakiko vevwile vakiko vapwilenga nacho! Hakupwa mukchi kavikolo, kaha vikolo kupwa vyakusoka, na jimbango, na jimbango jili tu handulendi fiti, kuhima eyite fiti, shinganyeka omu chili chakukingiwa vakiko kupwa nakuholoka hajize jimbango!

18 Oloze anuka kaha echi: Chipwethuhu sayasi yinamilingisa ove, Kalunga mwaya nakuwana omwo ove muvulumuna! Kuli kaha kukingiwa chimwe, kaha chize chili muli Kulishitu Yesu.

19 Jino, nge vakiko kwivwa kulema wamunene kupwa nakutetekela lifuchi lya mukaye, kupwa vene kutona, kutona chakutona kupwa kaha nge omu tuli nakuyoya, chinapu America. Kaha Nguli nakupwa muyachi, ami,yavene, oloze Nguli nawoma etu kupwa na vilinga vakiko kumbata chize. Chize etu kwivwa mwomwo etu tukwechi, chuma etu twashinganyeka, ma sayatisiti vamwaza, kaha mata amwaza, kaha mitelembe yayinene, kaha jindeke ja kuzangula, kaha etu tuli na... Kupwa nakutwaminyina lifuchi lya kaye, etu tunevu nge kukingiwa chetu chakuzeneka Kalunga.

20 Echi chinapu chifwanyisa chamwaza. Kaha Kalunga kanda lyehi alumuke. Vilinga vyenyi kuweluka shili ili chochimwe na lelo nge omu yapwile jino. Kaha kakweshi numba chihela chakuswama munoko. Kuvangila kaha muli Kulishitu chikiko ove vakukingiwa.

21 Kaha muli ino mbongi yayinene, nge omu vakiko vevwile kakwapwile jila yekako, muno mukaye, hali maswalale vanahase kwingila muze mumbongi. Jize jajinene, jimbango jahelu, kaha jijila jakutona, kaha vakiko vapwile vakusukama kufuma kuweluka wa kaye. Oloze wamundende vakiko vatachikijile nge lifuchi lyalipi vavuluka kupwa Medes na Persians, vase jino vapwa Hindus India, omu wamundende valingile vakiko kutachikiza mailosi kufuma omu apwile nakufula hamashima akalwiji, kwalumuna Kalwiji ka Efwalate, shikaho vakiko vanahase kutambuka mwishi ya jimbango. Omwo vakiko vevwile vakiko kupwa vakukingiwa! Lwola lwosenana vakiko vevwile mujila kana. Kachi vakiko kwivwa ngengachize, jino vakiko kuya nakulyalanga mu shili.

22 Echi chinasoloka nge omwo muthu mwaya kuchihela chize ikiye kwivwa nge ikiye apwa mwosenana, shili kuputuka kukwachilila kuli ikiye. Eli liuka, lifuchi, muthu ukawenyi, uze ali nakwivwa nge ikiye katondele kala kukafwa kufuma kuweluka, shili kuputuka kunyula muli ikiye. Ou unapu muchano. Kaha etu kupwa nakutalisa, nawa, nge omu vathu kuputuka kwivwa kwivwa chachinene, kakavulu shili kuhaka muze na kuvalya vakiko.

23 Shikaho omwo vakiko vasokele vize vikolo, vakiko vashinganyekele nge vakiko vapwile vakukunyuka. Oloze Kalunga atalile mwishi kufuma Mwilu! “Kaha shili yinapu kutoleka kulifuchi lyosena.”

24 Ngwalikomokela, ufukuuno, na vikumba vyavinene vyetu, kaha kupwa atomic na vitwa vyakwishi yamenya, kaha jindeke jetu kutuka jimailosi handulendi hasekondi, nge numba, mokomoko, hamunyutu, nge kuhita nachakuhonesa chivumo. Oloze, kanda kuvulyamako oloze jishili jove najiya nakuwana!

25 Kaha, muli luno lwola, vakiko vasokele vikolo. Kaha vakiko kushinganyeka vakiko kupwa, kupwa nakuyoya muukalu nge vakiko kutonda kulinga, mwomwo vakiko vapwile nakukinga. Vakiko vapwilenga na kutwaminyina lifuchi, mafuchi osena akwavo vatalile hali vakiko ha sayasi na ha—ha kukafwa.

26 Kaha shikaho, halwola kana nge ngachize, kuze kwapwilenga mwangana ashinganyekele nge mwaya nakupwa na ikiye lwola lwalunene. Kaha ikiye natwame nakulihana nge mwaya nakupwa na kukina chachinene, mokomoko, nge omu Nanguya nakuhanjika, kutona cha rock and roll; keshi chekako. Kaha shikaho ikiye ahakile lwola, kaha ikiye asanyikile kuwahilila chosena, maswalale vosena na tupitawu, kaha mapwevo vosena na tujila twenyi.

27 Jino, kupwa natujila chapwa uhule. Kaha enu mwamono, omwo muthu alivwile ivene, nge ikiye aputukile kulyalanga mushili?

28 Kaha ikiye asanyikile muze mwamwaza nge ikiye ahashile kuwana, mwomwo eli lizavu lyalinene lya rock-and-roll nge ikiye mwaya nakupwa nacho. Ikiye ashinganyekele nge apwile wakukingiwa. Ikiye ashinganyekele nge kakweshi chuma chinahase kumukolesa ikiye, mwomwo ikiye apwilenga wakukingiwa. Kaha ikiye apwile na kunwa muze mulitepa limwe kunyima ya nganda. Kaha shimbu kulovoka kuze muze mulitepa, pamo vakiko kupwa na ukelenga wosena kupwa kanawa, jisangu josena kusukama, kaha kupwa na vanyike vmapwqwevo na mapwevo vavavulu kwiza nakuhema na maswalale, kaha wala wavo na vinyo yavo. Kachi echi kacheshi kutona chamwaza cha chakuliwana rock na roll chalalo, Ngunahono kutachikiza kulihi umwe mwaya nakupwa. Mukiko kaha. Kaha vakiko vakwechi vyuma vyosena kupwa vakulizanga, kaha vakiko vapwile nakuya nakupwa na lwola lwalunene.

29 Kaha kukakasana chauchi oloze mapwevo vamwe vanasomboka. Malunga javo vavaselenga hembo nge vimbulu, shimbu vakiko vayile nakupwa na lwola lwamwaza. Kaha kusali yikwavo, kukakasana chauchi uze mama atambukile hamavu, na kema wakuviza, shimbu lunga wakupenda ayile nakupwa

na lwola lwalunene. Echi chinapu kaha sikisi hali umwe, kaha chimbwa chikwavo.

³⁰ Kaha Ngunahase kuvamona vakiko kuputuka kunwa kaha kupwa na lwola lwalunene. Kaha Nanguya nakujina vakiko kupwa vene chiseke, kaha kupwa na myaso. Kaha vanyike vavandende kuhwinga umwe namukwavo. Kaha maswalale, kunwa, kukwata mapwevo na kumbila vakiko mitwe yavo, na kusweswenya vakiko kaha kutwama muvitwamo vyavo, kaha kuhwima, kushinganyeka nge vakiko vapwile vakukingiwa.

³¹ Mamalelo, America, uze Kalunga uze atalile hali chize kunwa, rock and roll, ali nakutala hali ove ufukuuno!

³² Kaha lwola muka vakiko vatela kupwa navyo! Kaha Ngunahase kushinganyeka hano mwangana, Belteshazzar, apwile vene Elvis Presley wakutona, ikiye kupwa nakulinga vyakuleya vize vakiko vapwilenga navyo. Kaha kutwalilaho chavo, kaha kuhona kutachikiza, lwola lwavo, chize kufwa kupwa kuze kuchikolo!

³³ Shikaho, nge chiwanyino kupwa muze mwamwaza kuhwingisa, kakavulu pamo nge kutwama cha vaka Hollywood, vakiko vashinganyekele nge vakiko navaya nakuhokola usese wamwaza ha kulifukula; pamo nge Arthur Godfrey, mokomoko chumachimwe nge kutona cha lelo, mokomoko vamwe va Ernie Ford usese, kupwa na usese umwe hali mukakuzata. Oloze Kalunga hanga atala kufuma Mwilu! Oloze vakiko vashinganyekele nge vakiko vayoyelele mu lifuchi kana lize vahonene kukwata. Oloze enu namwaha kalachuma namutumba!

³⁴ Kupwa kaha nakutachikiza chize, vathu. Chipwe enu munapu lifuchi, mokomoko liuka, mokomoko kala muthu, enu namwaha kalachuma namutumba!

³⁵ Kaha, shimbu Nangumona ou mwangana kwimana, kaha ngwenyi, “Munyutu kaha, vanyike vamaapwevo, echa kupwa na kulifukula chamwaza chausese hali mukakunangula,” mokomoko navyangocho.

³⁶ Kaha vosena vaze vavandende kulaha, kaha vakweze vamaapwevo kuhanjika, “Whoo! Eyo, Ngwafwelela etu tunahase kwivwa echi.”

³⁷ Kaha maswalale vavakweze kutwalilaho nge vanyike lelo, mwomwo echi kacheshi kuhambakana Mbavilone yakutona! Yami ngumuka America, oloze shikaho kumana Ndanyeleye atwama mu Mbavilone ha lwola luze. Oloze echi kacheshi naha ha shiliko!

Ahanjikile kuli kanyike wapwevo lwola lumwe, “Ove uli Mukakulishitu?”

Ikiye ambile ngwenyi, “Ngwatondo enu kwivwushisa, Ngwapwa ka America.”

Ngwambile ngwami, “Chize kacheshi kuhasa kuhanjika chuma chimweko.” Keshi ngochoko!

³⁸ Ngunawahilila kupwa ka America, oloze chize kacheshi na chuma chimwe cha kusolola Vakakulishitu, keshi chuma chimweko. Kachi etu natuvulumuna, etu natuya nakufweta ha jishili jetu, kupwa kaha wakukunyuka kuli enu.

³⁹ Vakiko vapwile na kapolofweto kuze, oloze vakiko kavahashile kwivwulilako. Vakiko vapwile na Mujimbu, oloze vakiko vatondele kuseha hali Chize.

⁴⁰ Kachi echi kacheshi America wakutona, Ngunahono kutachikiza echi. Vakiko vakwechi Mujimbu wamwaza, Muchano, oloze vakiko vazanga kusekeleka Echi.

⁴¹ Shikaho vakiko vambile ngwavo, “Echa tuyenga nakushikumuka na kulingisa vaze vakakujila vakulyalanga, kaha kuvaneha hano nakupwa nausesese wamwaza.”

⁴² Kalunga keshi kwitavila vakashili kumusekeleka vathu Jenyi! Ove muya nakufweta hali echi, likumbi limwe.

⁴³ Kaha vakiko navaya nakupwa na chizachiso cha Mwata, kaha kuvaneha vakiko nakwingila mu tembele, kaha vakiko navaya nakupwa na kunwa chamwaza kufuma mu chizachiso cha Mwata. Kaha omu vakiko kuhingununa Oertel 92 mokomoko Pabst Blue Ribbon, muukiko, kupwa na kuseka chamwaza, mamalelo, vakiko kutengeka mangilashi kaha vikwata, kaha kuputuka kunwa, kaha kuseha na kupwa nausesese wa kulifukula cha Mwata. Vakiko vapwile vakuhona kutachikiza chuma vakiko vapwile nakulinga.

⁴⁴ Kaha shikaho eli linapu lifuchi, ufukuuno, kutachikiza kukana Mujimbu wa Mwata Yesu Kulishitu, mu kujimika cha Shipilitu Wajila, kaha kupwa wakusemuka chachihya.

⁴⁵ Chipwe vakiko vapwile vakakulifukula, jino, chize lizavu lyakupenda lya rock and roll, vakiko vapwile vakakulifukula, mwomwo Mbimbiliya yahanjika ngachize, “Vakiko valikanyine tulunga twavo.”

⁴⁶ Shikaho ove unahase kupwa mukakulifukula chikuma, kaha hanga uli wakuhenga! Echi chakwoloka. Echi kacheshi kushishika ko. “Kuli jila yinasoloka kupwa yakwoloka kuli muthu, oloze makumishilo yacho yinapu jila ya kufwa.” Shikaho vakiko vapwilenga na liuka lyalinene, kaha kulifukula chize vakiko vahashile kuzachila, kaha vakiko vavasehele ha vyuma vya kujila vya Kalunga.

⁴⁷ Kaha echi chinapu chifwanyisa cha lelo, kuneha usese wa vyuma vya Kalunga. Vakiko veji kuvulukanga vathu, vaze veji kwesekanga kuyoya utoma na kalemesa, kaha wakusungama, vakiko veji kuvavuluka vakiko kupwa “vamwaka” mokomoko “mukakujila wakulyalanga,” mokomoko kupwa kaha na lijina lyakwivwisa woma. Kaha vakiko kuvuluka mawana

a Mwata, nge Ikiye kuzata kuzata cha shipilitu wamupi, nge mukakutahisa mokomoko liyavolo. Mamalelo, nauhasa ngachilihi kuchina kusopesa? Awa manyinga avaze vajihile hali chize! Kachi Kalunga keshi kusopesa lino lifuchi ha shili jakutona, Ikiye mwaya nakusangula Satome na Ngomola, na kulikonekela kuli vakiko nakuvenyeka. Echi chakwoloka. Etu tunapu vakukashiwa na kusopesa! Kaha vize vikomwesa vyavinene nge ove kumona Mulwilo wetu wakukisula kulinga, vakiko vapwile nakuhuhumuna vinjikizo, chize kusopesa chili kulivoko; kaha ikiye atungile eli lifuchi kufuma kusali na kusali, kufuma Kumututuko na kumulauko, kufuma ku Kuto na Kusango. Kaha vakiko kukana Echi, kuseha hali Echi, kutoleka Echi, kusoneka Echi mumapapilo avo nge “chakuzeneka mangana.” Shinganyeka echi, Mbavilone ya kutona!

⁴⁸ Jino shimbu vakiko vapwilenga nakunwa, kutengeka jipasa nakunwa, kukasumuka, omu uze kanyike walunga wamunene wavisela, halijina lya Belteshazzar, apwile vene wakulizanga ambate lupasa mangana anwe, meso eyi aputukile kutohwa, nge omu ikiye alumukile na kutala mwilu, mwomwo ikiye amwene, kwiza kufuma Mwilu, eli livoko lya Muthu, kaha Lyaputukile kusoneka kaha hambango.

⁴⁹ Ngwatondo enu kutalisa, Echi kusoneka ha musongo. Jino, pamo jikendulu japwile jinatwame muvihela vyavo, kuze vakiko vapwilenga na kutona cha rock na roll, kaha aze malaiti apwilenga na kutemwina haze hambango. Kalunga kalinga vyuma mumbango!

Echi chili vene mwishi ya kumunyika, kuze Kalunga ahanjikile na kutambuka. Shikaho kusoneka changolo Jenyi jaukalunga japwile haze hambango, kumeso avo vosena.

⁵⁰ Kaha uze mwangana amwene chize chatete, muze vene mukutona chakuhanjika usese, mukakusehesa waha chisanji chamwaza, mukakulifwanyisa wahachisanji chamivwimbimbi. Omu ikiye atengelekele lupasa lwenyi, mangana anwenga, mokomoko lupasa, chumamuka ikiye apwile nacho mumavoko, meso eyi kutohwa nakulovoka, kaha ikiye kwivwa kunyikika. Ngunahase kushinganyeka omu ikiye alingile. Eyi Mbimbibiliya ngwayo, “vifuwa kusokomoka, kufuma mumanungililo.” Ikiye punduvene apwile wakulikomokela, punduvene. Omwo Kalunga aputukile kusolola vinjikizo Vyenyi, lunapu lwola lwakunyikisa. Chize chakwoloka. Kaha omu ikiye atalishile, uze mwaso wa rock na roll kumunyikisa ikiye.

⁵¹ Kaha jino nge omu ikiye amwene kusoneka hambango, Ngunahase kushinganyeka chindende mujike na mivumbo yenyi yakukwita ulombo nge Ngunahono kutachikiza chumamuka, kaha jikambu yenyi josena jili mbwembwele, kaha kulijinga, kaha na maswalale vakupenda, ambile ngwenyi, “Kulikomokela

ukalu uka uli naou kanyike walunga ufukuuno?” kaha shimbu ikiye mwaswama.

⁵² Kaha mukweze umwe amukwachile, kaha ambile ngwenyi, “Chosena chakwoloka, echa etu kukina echi nachishisaho hamwe.” Kaha myaso kwimana.

⁵³ Mamalelo, eli lifuchi lyalinene lya shili, lwola lumwe rock and roll shina kuya na kwimana! Kachi nge kamweshi kwivwulila ku lizu lya mukakunangula, na kwivwulila kulivoko lya Kalunga mukusopesa likumbi limwe. Oloze rock-and-roll nayiya nakwimana, chochimwe nge lizavu omu valingile, kaha kwimba *Hakamwihi*, *Kalunga Kami*, *Kuli Ove* ha Titanic. Likumbi limwe ove muya nakwalumuna chize chikungo.

⁵⁴ Kaha myaso kwimana, kaha vakiko kutalisa uze mukakuseseka, tanganyika wavo—wavo waha chisanji, kaha ikiye apwile nemana kuze, mambuli eyi kuliveta hamwe, shimbu ikiye atalile na kumona echi chuma chachinene kusoloka, “Mwomwoika,” ikiye ngwenyi, “jimbango josena jili jakusoka! Ngukwechi vakakulama kwimana kuchikolo, malunga jami vakusakula.”

⁵⁵ Oloze, mwamono, Kalunga katela kwiza kuchikoloko, mujila enu munashinganyeka. Ikiye kwiza nakushikumuka kufuma mu Upahu! Kaha livoko Lyenyi lyapwile nakusoneka hambango.

⁵⁶ Kaha washi washi, kupwa muze muchihela chakutona, ize Mbimbiliya ngwayo ikiye asanyikile vakatufuta vosena, vakakutanga vatanganyika, vosena va mbishopu, mandotolo, na popu, na makati, na vyangocho. Kaha ambile ngwenyi, “Jino Nanguya nakumilweka, wautongwe, Ngunamihane lisesa lya kunangula kaha kulinga chuma ove unatondo kulinga. Jino kulumbununa, hali yami, Chize hambango.”

⁵⁷ Oloze nge muze chapwilenga, shikaho mukiko chili jino, vakiko kavapwilenga nakuzachisa chaukalunga. Vakiko vatachikijile nachuma chimwe hali Chize. Vakiko vahonene kutachikiza mwakulumbununa malimi akuhona kutachikiza. Vakiko vatachikijile chuma chimwe ha lilimi lya Mwilu. Kaha vakiko vapwile na kulikoka. Vakiko vatachikijile chuma chimwe hali Chize. Kaha omu vakiko vosena vemanyine kuze. . .

⁵⁸ Anuka, echi chinapu kuneha mu wangana wa Vakamafuchi eka na eka. Kaha nge omu chejile mwishi ya ngolo jaukalunga, nachiya nakulovoka mwishi ya ngolo jaukalunga.

⁵⁹ Oloze ava mambishopu na kati, na mandotolo vavanene, kavahashile kulumbununa ngolo jaukalunga. Vakiko vatachikijile nachuma chimweko hali Echi. Vakiko vatalile kuhichila mumikanda yavo ya mikanda, kaha vakiko kavahashile kuwana chuma chimwe chize chinahase kupezelesa na Chize. Mwamono, vyuma vya mushipilitu kwivwushisa mushipilitu. Kaha jino vakiko vapwile vosena vakuhonowesa, kaha vakiko kavatachikijileko chuma chakulinga.

⁶⁰ Kaha makumishilo, mwangana wapwevo wamundende, anuka, ikiye kapwile ha lizavu lya rock and roll, kaha jila kaha ikiye atachikijile chumachimwe chapwile nakuya, lizu lyejile kuli ikiye nge mwangana apwile wakulinyikisa, kaha chize chiwano kwimana. Ikiye kachi apwile umwe wamwaza hali vaze vakakufwelela. Kaha, *mujila ikwavo*, ikiye napunga umwe uze avulyamine.

⁶¹ Ikiye kulaha kwingila muchiwanyino. Kaha omu ikiye amwene mukakaseseka wakutona kupwa nakunyikisa, kaha kwimba chenyi, ikiye ambile ngwenyi, “Ove mwangana, yoyanga hayamyaka!” Oloze ikiye katachikijileko nge apwile wakufwa hazevene. Ambile ngwenyi, “Yoyanga hayamyaka! Ngunatachikiza enu munapu vosena vakunyengetela hali chize kusoneka chahambango. Kaha Ngwamono popu, na mambishopu na kati, na mandotolo ja vakutahisa, kaha naumwe pimbi nahase kutanga Echi. Oloze, Ove, mwangana, echa ngumilweke chumachimwe! Kuli muthu mu wangana wove, uze atachikiza ha ngolo jaukalunga.”

⁶² Mamalelo, ndumbu walunga, omwo etu natumona kusoneka hambango lelo, oloze kuli Muthu uze natachikiza hali echi. Enu munahase kuya nakuhita mu ufwishu ya ndotolo muze mumbongi, kaha vakiko ngwamilwekele, “Ove watela kufwa.” Oloze kuli Muthu! Enu munahase kukundamina mu shili palanga mwono wove kupwa ulava nge jimbango ja hetese, kaha ove uli wakulizanga kulisukika, chakuzeneka lusalililo. Oloze kuli Muthu, kaha Lijina Lyenyi ikiye Yesu! Ikiye atachikiza ngolo jaukalunga. Kaha Ikiye ali mu Wangana wetu, mwomwo etu tunapu vana va Wangana Wenyi. Kuli Muthu!

⁶³ Ambile ngwenyi, “Ikiye atachikiza ngolo jaukalunga, ha myaka yakunyima vakiko vawanyine Shipilitu ya Kalunga muli ikiye. Kaha ikiye apwilenga na Shipilitu yamwaza. Ikiye ahashile kulumbununa vilota, ikiye amwene vimweno, kaha vosena muli vakiko vapwilenga vene vakwoloka. Shikaho, kanda kulizakaminako, nguhane minyutu yayindende kaha Nanguya nakumumbata ikiye hano.”

⁶⁴ Kuli nakuya nakupwa likumbi limwe enu namuya nakusanyika hali Ikiye! Enu munahase kupwa na kapete kuli Ikiye muzuvo yenu. Ove unapu wakukashiwa, kutala ha chisaji chamivwimbimbi, kuhema makati, kunwa wala, kupwa na kuliwana cha rock-and-roll. Oloze kuli lwola lumwe ove muya nakusanyika hali Ikiye! Echi chakwoloka.

⁶⁵ Kaha shikaho Ndanyeke vamunehemo. Kaha nge muze ikiye vamunehelo. . . Mukakunangula wa kwoloka, muthu wa Kalunga! Ngunahase kushinganyeka muthu wa Kalunga kuyoya muchihela kana nge ngachize kuvangila ikiye amusanyikile. Oloze, mwamono, uze mwangana kahashile kuhaka mangana

kuli Echiko, ou ukiko mulonga ikiye apwilenga muli ize seteko ikiye apwilengamo.

⁶⁶ Kaha vakiko vanehele Ndanyeke, kaha ikiye ngwenyi, “Mwomwoika va popu na mandotolo kulumbununa hali ove?” Vakiko kavapwile naumweko wakulumbununa.

⁶⁷ Shikaho jino chasolokele ngachilihi? Ndanyeke ambile ngwenyi, “Mamalelo, Mbetesheza, munatachikiza vyuma vyosena. Vakiko kaveshi chakusweka kuli enuko.”

⁶⁸ Kaha Nanguhanjika ku America! Kachi Nanguhasa kuvambata vakiko, ha munyutu chino, kwivwa lizu lyami. Enu kamweshi vakuhona kutachikiza kuli vyosena eviko! Nge mafuchi kumeso amukashili kaha kulinga chuma etu twalingi, etu vanatupezalisa muchipezaliso, kaha tunawanyiwa. Chasolokele ngachilihi ku France? Chumamuka chasolokele ngachilihi ku Germany? Chasolokele ngachilihi kuli mafuchi akwavo vaze vayile “vinyo, mapwevo, na lwola lwalunene?” Echi lwolalwosena kwiza mujila kana, kaha etu katweshi wakuzeneka maputukilo kufuma kukusopesako. Kalunga apwa wakwoloka.

⁶⁹ Kaha ikiye ambile ngwenyi, “Iso yove, omwo Kalunga amutengele ikiye kupwa lifuchi lyalinene, oloze ikiye achivulyamine chize. Kaha ikiye alingile chuma chochimwe chize ove uli nakulinga, kaha Kalunga amulumukile kupwa chisuma wamuchipapa.” Ambile ngwenyi, “Ove unatachikiza vyize vyuma, kaha jino ove kumbata milondo Yenyi yajila na kuvasekeleka.” Talisenu. Ikiye ambile ngwenyi, “Chize kusoneka vanachihake hambango, kaha lwola luno wangana wove uli wakulava.” Mujila ikwavo, “Tala hano, mukweze, makumbi ove ali akulava! Wangana wove vanakutambulawo kaha vanauhane kulifuchi lyeka, muukenya, lifuchi lyakuzeneka Kalunga,” umwe uze nge vakiko vali. Kalunga eji kulingisa shili kuzunganga. Ngwalikomokela, lelo. . .

⁷⁰ Hazevene halwola lwolumwe, echa Nguhanjike chatete, omwo ikiye apwile nemana kuze, kutala chize kusoneka ha mbango, ahonene kutachikiza nge chili kuchikolo, hazevene, vaze vakakulama kucikolo vanavajiji. Kaha maswalale vapwile mujijila, kujiha nganda. Vakiko vapwile najitambo jimwe. Kaha vaze mapwevo kwimana kuze, kufuma kuli vakemba javo, kufuma kuma lunga avo, na malunga kufuma kumapwevo javo, vosena vakakunwa, kwivwulila kuli vamwe vakakukina mwakutona kaha nakutwalilaho. Kaha maswalale vapwile ha jitambo, muminyutu yayindende mwangana mwaya nakumuvatula. Vakakunwa vosena mukuta wamalunga navaya nakuva vatula, kukuzata cha, lifuchi lyakuzala na vandemoni. Kaha mapwevo navaya nakupwa nauvwalo wavo, vanyike vamaapwevo na vosena, kaha vakukwachiwa mujila, jino kuvambachila kutukukunyunya, kaha kutuva mitwe

yavo kuze kujimbango, kuvapula hanyima vakiko kuvaseza mulukungu. Vakuzaluka, maswalale vakupenda! Chapwile kuze kuchikolo, mwomwo vakiko vavapezalishile muchipezaliso, kaha vavawanyine vanatondeka.

⁷¹ Kaha Ngwalikomokela, lelo, mukutona chetu chosena chakutwalilaho, kusehesa na kulinga kutanga cha kuka, kuseha na kusekeleka eli Liuka lya Kalunga wakuyoya, kaha kuya lika nge omu yahanjika Mbimbiliya kuli vakiko navahasa kulinga, “Vakakulitujola, vakakutangalalala, kupwa na kufwana chakumukomoka kalunga, oloze kukana ngolo jacho.”

⁷² Ngwalikomokela, muli lino likumbi omwo etu natushinganyeka nge etu tuli vakukingiwa, kaha, kukasumuka, etu tunawane nge Russia napu myaka faifi kulutwe lwetu, mu sayasi.

⁷³ Etu tunapunga muviwanyino vyavivulu, etu kulyalanga chikuma mushili. Eli liuka lili lyakusavala chikuma, kalyazakama ha kuliwana chakulomba chekako, vakiko vali vakuzeneka kwalama. Vakiko, nawa, kuhaka lizu muyikiko, Shipilitu wamuchano wa Kalunga wakuyoya, vakiko kaveshi kuhasa kupwa najoko.

Vakiko vali chikungulwilo, vakuvwala kanawa! Vakiko kaveshi na lwola lwa kuliwana cha kulomba, vakiko vali ha chisaji chamivwimbimbi na chifwanyisa kusolwesa, kaha kukimbujoka nakujinguluka, kaha kuviwanyino vyakupenda na vyuma. Uze ukiko muchano!

⁷⁴ Chize chinahase kwivwakana chamwaka, oloze mukiko lifuchi linatondo lelo. Kuze kwapwile chikuma kuhema na Mujimbu wamwaza, na mangulovwu andundu. Echi chatela kupwa chakuvwala lyehi, na Shipilitu Wajila. Muchano vene!

⁷⁵ Billy Graham ambile ngwenyi, pamo mulungu mokomoko ivali kunyima okwo, muli mujimbu wenyi umwe, ambile ngwenyi, “Eli lifuchi naliza nakupwa chitalilo kulivaka Russia, kala lwola Russia yinatondo.” Kuze etu tuli?

⁷⁶ Ove muya nakulanda unjiho wa Elvis Presley, kaha kutwama kwimbo kufuma muliuka na kwivwa *We Love Lucy*, likumbi limwe hamakumbi awa! Ove vanakupezalisa mwomwo, kaha kuwana kutondewa! Chumamuka chasolokele? Kuze kuli kusoneka ha mbango!

⁷⁷ Vaze vaka Russia kuhaka sputnik ize etu katweshi kuahasa kutetekelako hali chize, faifi mailosi handulendi mailosi kufuma hamavu; kaha ambachile chimbwa cha vakiko kuze ku United States muminyutu ya seti, kaha kusanyika nakuhanjika, “Lihane, mokomoko kupwa lizavu lya uto muminyutu yayindende.” Vakiko vanahase kuchilinga. Kakweshi chuma chimwe etu tunahase kulinga kuvemika vakiko. Echi chili mumavoko avo, chakuzenaka manyinga, chakuzeneka muchima,

communist vakakuzeneka kumukomoka kalunga! Omu mukiko Kalunga eji kuzachisanga shili kwiza kukumunyika. Punduvene mukiko chili. Kachi enu namuya nakutanga eyi Mbimbiliya, Russia yatela kulinga ngachize kutesekesa na Kusoloka. Kangweshi... Enu vakakunangula vanahase kulimbalaka na Chize, oloze vandamina kaha palanga chinahichi. Russia yayihakile hano hali ize pungu kana. Eyi Mbimbiliya yahanjika ngocho.

⁷⁸ Jino hano ikiye ali na kumufwijila. Etu natweseka ku kakahya ufuku ukwavo, etu twashinganyekele etu natuya nakulinga vene nge muze vakiko valingile; kukatuka kufuma hamavu, kaha kulovoka. Chikuma rock na roll na shili! Etu kupezalisa muze muchipezaliso, kaha kuwana kutondeka. Kalunga, atwivwile keke!

⁷⁹ Chumamuka etu natuya nakulinga? Chumamuka nachiya nakusoloka kachi vakiko kutuma aze mali na mitelembi, kaha hanjika, "Lihane, mokomoko kwiza nakupwa mulumba wa lukungu mu minyutu yitanu"? Mukiko vene, fulumende yetu, kulwila kuyoya, navaya nakulihana. Echi chikiko kaha chuma vakiko vanahase kulinga.

⁸⁰ Kahajino nachiya nakusoloka ngachilihi kuli enu vaka America, etu vosena muno, keshi hano, oloze Ngunatwale nge lifuchi kuhanjika, lifuchi lyosena!

⁸¹ Enu munapu vautongwe vanyike vanapwevo vaze vali nakulaha na mivumbo yakukwita ulombo nge muyachi ya lutemo, kaha mwaya nakuseha hali mukakunangula hambango, kunangula Mujimbu wamwaza. Kaha enu vanyike vavandende kushinganyeka enu kupwa na chikuma wakuzala namashipilitu kuhambakana mangana kutetekela!

⁸² Chumamuka nachiya nakusoloka kuli enu, tata, kutwama hembo na ufuku na mama na kutala ha chisaji chamivwimbimbi, shimbu swana ali mumukombo wakuzuma, kaha sis ali kwishi kuchihela chakulila kumwe, kaha ikiye ali kushikumuka kuze kulinga rock and roll? Kaha enu muli nakutala ha chisaji chamivwimbimbi, kaha kusekeleka Mujimbu wamwaza!

⁸³ Chumamuka nachiya nakusoloka kuli enu, membala wa liuka? Chumamuka nachiya nakupwa chuma chatete? Enu munahase kupwa na lijina lyove mu mukanda, wa liuka lyalinene mumbongi, oloze kuvangila enu muli mwishi ya kukingiwa cha Manyinga a Mwata Yesu, enu namuya nakunonga na vaze navakaya nakunonga, kakweshi lutalililo hali oveko.

⁸⁴ Chuma muka nachiya nakusoloka? Kuze kuli wina kuze. Kaha nachikasoloka ngachilihi? Lifuchi naliya nakulihana, mukiko vene, echi chikiko kaha chuma chachilemu fulumende yinahase kulinga.

⁸⁵ Jino chumamuka chasolokele? Likimba ha likimba, mumbopolo yakuzala na maswalale, makimba hamakimba,

a jindeke, mwaya lifuchi muli lino. Mapwevo navaya nakupwa vakukwachiwa mujijila. Chuma muka ove mulinga? Echi chapandama kuli vakiko. Kuveta nakufumisa muzuvo, vakiko kumbata nakufumisa chize.

⁸⁶ Chumamuka nachiya nakusoloka kuli enu vakweze vamapwevo, kaha enu vakweze vamaunga, kaha enu vosena ha lwola luze? Shili vatela kuyifweta lyehi, chipwethuhu lifuchi muka lili, mokomoko hiya uze eji kulinganga, hakapaji mokomoko lifuchi, vanakuya nakufweta. Kaha mukuta wakuutenu, vakuzeneka kalunga, vakakunwa wala, maswalale vachi communist kukwata mapwevo jenu nakusavala navo, vanyike vamapwevo jenu, kaha enu muya nakwimana nge ngachize, kakweshi chuma ove unahase kulinga hali echiko.

⁸⁷ Chumamuka cheji kulingisanga? Mwomwo enu mwevwulilile kuchuma kana nge chisanji chamivwimbimbi ha rock and roll na shili, kaha vamwe vakakunangula vasalusalu keshi kuhasa kulumbununa ngolo jaukalunga. Chize kusoneka chili hambango! Chize chakwoloka! Kaha etu kupezalisa muchipezaliso, kaha kuwana unatondeka.

⁸⁸ Lwola muka chize chasolokele? Shimbu kanda likumbi lya musana mu chimene. Hiya mwaya nakwimika chize? Kweseka echi. Eyi Mbimbiliya yahanjika nge nachiya nakusoloka.

⁸⁹ Oloze echa ngumilweke, chize kacheshi kuhasa kukwata Liuka lya Kalunga wakuyoya ko, etu natuya kuhita mulwola kana!

⁹⁰ Shikaho, sepa, ivwulilenu. Kachi chize chuma chili hakamwihi, kaha etu kumona kusoneka hambango, kakweshi chuma chinahase kwimika echi chuma kana kusoloka jino.

⁹¹ America vanamunangula ku, ngolo jaukalunga jinalingi, kaha kutwalilaho vakiko kutumbuka helu lya Echi.

⁹² Kuya kulifuchi kumwe na kupwa nakuhizumuka, kaha kupwa na fwote wakwalumuna muze mumulungu; kaha kuya nakukinduluka kunyima mumilungu yitanu naumwe, enu kamweshi na yiwanako. Chize chijiva chamwaka vachifuta lyehi. Kalunga apwilenga navavavulu Ikiye asakwile. Kaha omu wamakumishilo kwingilamo, chize kusoka chikolo kaha chinahichi.

⁹³ Kahajino kakweshi chuma chimwe chasalileho shina kusopesa nge keke vanayine. Kaha hano etu tuli kusongo ya jila.

Echi ngolo jaukalunga kupwa kulingika, Echi chinapu chakuseha na kuseha hali chize. Kaha chuma chamakumishilo, Kalunga neza mu Ngolo Jenyi Ivane, muli Mwa Nyenyi Lyavene, kuzata kuhichila mu Liuka Lyenyi, kaha vakiko ngwavo echi chinapu vilinga vya mushipilitu, mokomoko, vya liyavolo. Chumamuka cheka vanahase kusala shina kusopesa? Kaha hano hakiko hali kusoneka hambango!

94 Oloze, kachi echi chili hakamwihi, kaha kala mulongeshi natachikiza nge eli Liuka kuya mu Kuhukula shimbu kanda Makava ezenga nakwingila. Shikaho kachi echi chili hakamwihi, chinahase kusoloka shimbu kanda chimene, ngachilihi ha Kuhukula? Echi chili hakamwihi kuhambakana chize! Mamalelo, kukisula chipwenga ku Lijina lya Mwata! Chize Kwiza cha Mwata chili hakamwihi. Chize kusoneka vanachisoneka, kaha vachisoneka mu Mbimbiliya, kaha etu tuli nakuyoyelamo kumona echi.

95 Ove unahase, hali luze lwola lwa lizu lyami, kutambula Yesu Kulishitu muli ino ola? “Alumuka chakupihilila, pwako wakujimika,” ngwenyi Petulu, “muthu hi muthu, mu Lijina lya Yesu Kulishitu, chakuneha kujimbangana jishili, kaha enu namutambula wana wa Shipilitu Wajila; mwomwo lushiko luli kuli enu, na kuli vana venu, na kuli vaze vali kwakusuku. Mwomwo kakweshi lijina likwavo vanahane mwishi ya Mwilu kuli vathu, lize ove watela kupwa wakulwiliwa.” Kuvangila ove unapu Kulishitu! Ove unahase kupwa ka Mesondisiti, Mbaputishiti, Pendekosita, Nazalene, Katolika, enu munajimbala palanga nomu namwiza nakupwa nge Kulishitu, kaha Kulishitu kwiza muli enu, echi chinapu Kusemuka chachihya hali Shipilitu Wajila. Mutambule Ikiye ufukuuno, shimbu etu natulomba.

96 Na mitwe yenu yakunongama, Ngwalikomokela echi: Vangahi muno vanatachikiza nge echi chuma chachinene nachiya nakusoloka? Ove unahase kuya mukahela ufukuuno na pwevo lyove, kaha na chimene ikiye mwaya. Ove, tata na mama, echa kusweswenya vaze vavandende kusavala, ufukuuno, kaha hamene nachimene uze kahela kakandende kupwa waupolongwa. Kaha enu kulaha nakushikumuka mujila, kuwana chuma muka chasolokele kuli Pwevo lya Jones, ikiye ayile, nawa. Chize Kuhukula chili mulivoko, eyi Mbimbiliya yahanjika hatoma.

97 Kaha muli echi kuliwana, shimbu enu namupwa na lihanya nge—nge malunga va—va mangana, na mapwevo va mangana, mwomwoika unahonene kulama echi kusanyika mumuchima wove, na kuhanjika, “Mwata Kalunga, nguzalise na chize Kuyoya cha Hayamyaka.” Mwomwo, kachi shipilitu yove hanga lili nakwitavila mangana akutanga, ove unapu wakukashiwa. Oloze Shipilitu ya Kalunga, yize yafuma Mwilu, kwiza mumuchima wove na kukuhana ove Shipilitu Wajila muli ove, omwo Makava ezenga, ou Shipilitu, Shipilitu Wajila, kukinduluka kuli Mukakuyitenga, kaha ove kuya na Echi. Chipwethuhu mwapwa wakulifukula ngachilihi, kacheshi kuya kuvangila kuli Chuma chimwe muze nachikumbata ove.

98 Vangahi ufukuuno, na mitwe yenu yakunongama, kumeso a ou mujimbu, mwaya nakuzundula mavoko enu kuli Kulishitu, kaha kuhanjika, “Kalunga, nguzalise na Shipilitu Wajila Wove.

Kaha kachi Ove watela kwiza, Ngwatondo kuya na Ove”? Munahase kuzundula mavoko enu? Kalunga amikisule, helu lya liuka. Hazevene, tu handulendi, mokomoko kuhambakana, mavoko mupeho.

⁹⁹ Mukashili sepa, kachi ove kanda wetavile Kulishitu, unahase lwola luno katula livoko lyove, na kuhanjika, “Mwata Yesu, nguvwile keke”? Kalunga akukisule, pwevo wakalemesa. Kalunga akukisule hano, ove kunyima okwo. Muthuumwe weka, “Anuka kaha yami, Mwata.” Kalunga akukisule hano, kushikumuka hano. Ou Mwata apwenga na ove. “Ngwanuke, Ove Mwata. Meso ami anasokoloka. Ngunatachikiza pamo Ngunavuluka kupwa Mukakulishitu lwola lwalusuku, oloze Ngunahono kutachikiza chuma muka chatela kusemuka chachihya. Kanda lyehi ngutambule Shipilitu Wajila.”

¹⁰⁰ “Shikangaho, kuvangila muthu mwasemuka chachihya, ikiye keshi kuya nakwingila mu Wanganako, mokomoko keshi kukamona Wangana ko.”

¹⁰¹ Unahase kuzundula livoko lyove, nakuhanjika, “Ngutetele kuli yami, Ove Shipilitu Wajila. Kaha omwo Ove mwiza ha Liuka, nakungumbata”? Kalunga akukisule, pwevo wakalemesa. Muthu weka? “Ngwanukeko, Ove Kalunga.” Akukisule, mukulwane. Kalunga akukisule, pwevo wakalemesa. “Ngwanukeko, Ove Kalunga.” Kalunga akukisule hano, mukweze walunga. Kalunga akukisule ove haze, pwevo wakalemesa. Kunyima okwo, mukweze wapwevo wakalemesa, kunyima. Kaha ove kunyima okwo, pwevo wakalemesa. “Nguvwile keke, Ove Kalunga, omwo Nangumona kusoneka chili hambango. Yami nguli wamangana chikuma,” kuhanjika, “kumona nge chuma muka vanachihanjika kufuma mu Mbimbiliya, ufukuuno, nge echi chili nakuhitulukamo mumujimbu wamwaka.”

¹⁰² Etu tuli kumakumishilo. Kakweshi chuma chinahase kukafwa. Chuma chize chili nakuya nakwenyeka kaye chili mumavoko a muthu washili.

¹⁰³ Kuli kaha vavandende vavavulu. Enu munahase kupwa umwe wamakumishilo uze wakatongola kwiza kuli Kulishitu. Omu uze wamakumishilo umwe mweza, kusopesa kwiza; kuhona chuma chimwe, chize chinahase kupwa ove. Namuya nakumutambula Ikiye ufukuuno shimbu etu tuli nakuvandamina?

¹⁰⁴ Vamwe twende, seti mavoko anazunduka. Jino etu katweshi na chihela hano cha kusanyika vathu kukamenga, kuneha vathu kulutwe hano, mwomwo etu katweshi na chihela ko. Oloze Nguli nakuya nakumihulisa enu, punduvene, mamalelo, pwenu vakushishika na kwivwulila ku lizu lya kuhuhumuna. Pwako wakushishika na kuhula Kulishitu, haze vene ove unatwame, “Mwata, nguvwile keke, mukashili, kaha tambula kuluwisa

chami Ngunahichi kusali ya lihina lya keke. Shimbu kanda Nguvuluke likumbi lyami lya likoji, ngutetele kuli yami, Mwata,” kaha Ikiye mwaya nakuchilinga.

Jino lomba nge ngachize shimbu Ngwalombo na ove.

¹⁰⁵ Mwata Wakumusula, etu tunemana museteko yayikalu ufukuuno. Nge omu etu tuli nakutanga Lizu Lyove, kaha kutachikiza nge kala ola ize radium yinahase kumunyika, kaha lizavu lya rock-and-roll kuya nakwimba *Hakamwihî, Kalunga Kami, Kuli Ove*, oloze chinapu kukotokela jino, kusopesa kuveta. Miteleembe kwinyika hali etu. Kwenyeka, pamo mailosi, ha tons hanyima ya—ya kuhita hamavu nangolo ja ataomi, kaha na vyangocho, nge nachiya nakuhaka kaye kosena. Kaha echi chili mumavoko a muthu washili. Kaha eyi Mbimbiliya ngwayo mukiko mujila nachiya nakusoloka. Kaha etu twamono kusoneka hambango.

¹⁰⁶ Ove Mwata Kalunga, Nguli wakuzeneka kutela kweseka kuneha Mujimbu nge ou kuli vathu. Kaha Ngulinakwivwa omu Nguli wamundende, kwimana hano, kweseka kukwachilila mutwe wachihande, oloze muya Ove nakungukonekela chihanda chami cha kupwa vakutela kulinga echi. Oloze mujila yimwe, kufuma mumuchima wami, Ngwalombo Ove kujimika ou Mujimbu, mujila Ove watela kupwa nechî, mukachi ka michima yavo, mwomwo Ngunamono ola kupandama. Kaha kupwa vakeke, Kalunga, kaha kulwila muthu wosena, kaha kuvazalisa na Shipilitu Wajila. Kaha echa vakiko vapwenga vana Vove, Ukalunga kulikupilika mu kuwaha Chove, kaha kutambula kukingwiwa kufuma kuli Mwata Yesu.

¹⁰⁷ Mwomwo lifuchi lyetu kalyeshi lyakukingiwako, etu kushinganyeka etu twapwile, shikaho mukiko alingile na wangana wa Mbavilone kushinganyeka hali echi, oloze lwola lwosena kwapwile lifuchi lyalipi kuzata. Kaha kunapunga lifuchi lyalipi kuzata, palanga jino etu tunatachikiza nge vakiko vali kulutwe lwetu, kaha etu tuli ha keke yavo.

¹⁰⁸ Mwata, eli liuka lili ha keke Yove. Vakiko navaya nakwenyeka, oloze Ove muya nakumbata Liuka Lyove. Ove Mwata, tumbate etu muvishinganyeka Vyove, ufukuuno. Kaha tukisule mwomwo ya Yesu; kaha mu Lijina Lyenyi etu twalombo. Amena.

¹⁰⁹ Vavavwovu, munyutu kaha. Pwako wakuunda.

Mukuunda Yesu ali nakusanyika,
Kusanyika ove na hali . . .

Shimbu etu tuli nakwimba jino, hituluka.

. . .haze ha Shiteshinyi Ikiye ali
nakuvandamina na kutala,
Nakutala hali ove na yami.

Twaya kwimbo . . . (Kulihi? Twaya kuno, helu.)

Enu munazeye, kwiza kwimbo;
Chinjikijilo, chamwaza, Yesu ali nakusanyika,
Kusanyika, Ove mukashili, twaya kwimbo!

[Ndumbu walunga Branham kungunguta *Wamuvwovu ka kaha Nguliha Wamwaza*—Muka.]

¹¹⁰ Mamalelo, nachiya nakupwa lwola lwamwaza hali echi kusoloka jino! Mamalelo, echi chili chosena chakwoloka, kala lwola Ikiye ali wakulizanga. Amena! Ngunawahilila kumutachikiza Ikiye. Ngunawahilila ou mujimba wamwaka, ou uli nakuchikima hano, nauya nakupwa vakwalumuna mukatando kakandende, mukutemwina cha liso. Nanguya nakukinduluka cheka nakupwa mukweze walunga cheka, kuyoya hayamyaka.

Uze kashinakaji mwaya nakupwa mukweze
kuze hayamyaka,
Kungwalumuna hakutemwina chaliso;
Kuzeneka kufwa, navakaya nakwimana
Mukufwana Chenyi,
Vaze vatanganyika na musana vakiko
navakaya nakumunyika.

Lisesa kana! Kanda kumufumisa Ikiyeko.

Mamalelo, omwo ove unatondo Ikiye
kuhanjika, “Chamwaza kulingika,”
Ha Likumbi lya Hayamyaka!
Kanda kwalumuna Mulwilo wove kufuma
mumuchima wove,
Kanda kumufumisa Ikiye kuwelukako. (Echa
ou upwenga ufuku.)

¹¹¹ Vangahi vazanga Ikiye na muchima wove wosena, kaha ove uli wakulizanga kachi Ikiye atela kwiza? Mamalelo, omu twakusakwilila! Kamweshi nakwivwa nge ove uli wakukosewa jino, mukachi? Ou Mujimbu wamwaza, etu vanatukoso na meya a Lizu. Olovela kaha kwakamwihi naove, na kulimeneka mumavoko na muthu umwe, kuhanjika, “Kalunga amikisule. Nguli kaha nakwivwa kanawa. Kalunga amikisule, vakakuzuzumana. Kalunga amikisule, ndumbu wapwevo, ndumbu walunga.” Etu kupwa malunga vajita muze mujila.

Kutambuka mujila yamwaka,
Kwambulula kwosena Nanguya,
Nachipwa chamwaza kupwa lwola lwa
Mukakulishitu wamwaka, Mwata,
Kuhambakana kalachuma Ngunatachikiza.

¹¹² Jino shimbu etu tuli kaha elu lwola lwa kalemesa, Ngwafwelela echi chili chakukotokela chindende kusanyika mukana wakulombelela. Echa...Ngwafwelela nge Shipilitu Wajila napu wakulizanga, eyi nambala yayinene kwiza kuli Kulishitu. Jino enu namuwana liuka hazevene, kupwa

vakujimika kaha kuya nakwingila muliuka, liuka lya mwaza lya Shipilitu, kaha kuze kunasale kachi ove uli nakuyoya.

¹¹³ Milimo muka eyi Kulishitu ashikile Ikiye mwaya nakulinga? Ikiye ambile ngwenyi, “Eyi milimo Nguli nakulinga, namukayilinga nayenu nawa.” Kahajino, Kupwa Chenyi chili hano. Kahajino, Ngunatachikiza, masepa, Ngwa—Ngunatachikiza, kusali ya muvwimbimbi wakukakasana, nge Yesu ali hano. Kuli Muthu hano, Ali Muthu youmwe uze atambukile mu Ngalileya. Ali Muthu youmwe uze akusokwele ha Manyinga Eyi, kaha akuhindwile ove ha mikiki Yenyi. Kaha Ikiye ali hano kuzata na kulinga vyuma vyosena Ikiye alingile, mwomwo Ikiye apwa Mwata youmwe Yesu.

¹¹⁴ Jino echa tulombe chindende, mukuhola. Pwako kaha mukulomba shimbu Nguli nakweseka kuwana vishinganyeka vya Shipilitu Wajila.

¹¹⁵ Shikaho, ize myaso yamwaza, omu vathu muze muluyanjisa ufukuuno kupwa nakwivwa zangi! Ava vathu enu pamo vanatwame muchitwamo nge enu munatwame ufukuuno, vaze vevwile Mujimbu wamwaza, kaha vahichile, kupwa muluyanjisa ufukuuno, omu vakiko kupwa muzangi kumbata chitwamo chize enu muli nakutwamamo, nawa chinayi.

¹¹⁶ Mwata, Ove Uze atangile Melu na mavu, Ove Uze atumine Mwata Yesu wakukisula hano hamavu; kaha muli Ikiye mwatwama kuzalilila cha Shipilitu. Kaha Ove wahanjikile, kuhichila mumivumbo Yenyi, “Yami Muvinyo, enu mumutango. Uze Muvinyo kaweshi kwima mihako muli Chiveneko, oloze mitango yeji kwima mihako.” Ngwalombo, Kalunga, nge Ove muya nakulisolola Ove lyavene ufukuuno, mukachi ketu, nge ava vathu vanahase kutachikiza nge Mujimbu uze vananangula, nge kwiza kufuma kuli Ove, nge Enu muli nakuhuhumuna etu kupwa vakulizanga, kaha makumbi amakumishilo anahete lyehi.

¹¹⁷ Kunahase kupwa vathu vakuviza vanatwame hano, Mwata. Kuvahana vakiko kuzamisa, mangana vakiko vapwenga vakuhinduka, mwomwo etu twalombo echi ha upahu wa Kalunga. Jino, Mwata, nge omu tuli nakulihana etu vavene kuli Ove, nge Liuka lya Kalunga wakuyoya; kumona, Ngwashingtonyeka, livoko lyosena muno lyayile. Kaha Nguli nakuya nakumihulisa Enu, ufukuuno, Mwata, kulinga chumachimwe chakulimanyina kuli etu. Kaha tuhane jino nge ava vathu vanahase kulihana vavene mujila kana ize Shipilitu Wajila mwaya nakutambuka muli vakiko, na lufwelelo kana, kaha mangana Nguhane amilyavene kuli Ove, kaha Ove muya nakuzata kuhichila mumawana Ove na kwinjikiza Ove lyavene mukachi ketu, nge, kunahase kupwa vangeji mukachi ketu. Etu twalombo, mu Lijina lya Yesu. Amena.

118 [Hatepu hapimbi—Muka.]...lwola lwosena kusolola keke shimbu kanda kusopesa. Nguli kaha nakuya nakulomba vakakuzata kutwama kuze, na kulomba. Echa tulombe.

119 Kaha jino, chikumanyi, Ngunapunga nakunangula, kaha Nguli—Nguli kaha nakuya nakulomba pamo enu vathu hano kulutwe, mokomoko kala kwosena okwo muli, kuputuka kuhanjika echi: Eyi Mbimbiliya yahanjika ngachize, “Ikiye napu Kapilishitu Wakulitulaho uze vanahase kumukwata na kwivwa chakukola chetu.” Chamwaza, kahajino, kachi Ikiye napu Kapilishitu Wakulitulaho uze apwilenga zau, Ikiye napu youmwe lelo; jino kuzata Chenyi chize Ikiye alingile zau, Ikiye mwaya nakulinga lelo kachi Ikiye apwa youmwe. Echi chakwoloka? Shikaho kachi Ikiye vanahase kumukwata jino, ove mukwate na kwivwa chove cha kukemenena, kaha echa Ikiye ahanjike kunyima.

120 Shinganyeka kaha, omwo Ikiye emanyine mulikungumbuwa nge likumbi limwe, kuze kwapwile muthu ejile, kusanyika Petulu, mokomoko lijina lyenyi apwilenga Shimona. Kaha Ikiye ambile ngwenyi, “Lijina lyove linapu Shimona. Ove unapu mwana Yona. Oloze, kufuma hano, ove navakaya nakukuvuluka kupwa Petulu.” Uze ikiye ejile nakupwa? Uze kapositolo wakuzanga.

121 Omwo Fwilipu awanyine Nathanael, kaha ikiye ejile, Ikiye ngwenyi, “Tala ka Isalele muli uze mukakutwaminyina,” mujila ikwavo, “nge Mukakulishitu, muthu wakushishika.”

Ambile ngwenyi, “Ove wangutachikijile ngachilihi yami, Lapi?”

122 Ngwenyi, “Shimbu kanda Fwilipu akusanyike ove, muze wapwanga mwishi ya mutondo, Ngwakumonanga.”

123 Uze pwevo waukalu wamanyinga alovokele. Ikiye atalile haliyongomena.

124 Vakiko vashinganyekele nge milimo Yenyi yapwilenga ya liyavolo, kaha vakiko vahanjikile mumuchima wavo, “Ikiye napu Mbelezembule.” Kaha Ikiye atachikijile vishinganyeka vyavo. Echi chakwoloka?

125 Ikiye ambile ngwenyi, “Kangweshi kulinga chumako palanga Tata nangusolwelacho chatete. Kaha eyi milimo eyi Ngulinakulinga, namukayilinga nayenu nawa.” Shikaho Ikiye atela kupwa, kachi Ikiye azachile mu Liuka Lyenyi, mwomwo eli linapu Lizu Lyenyi.

126 Jino Ngwatondo kumihula. Kachi muli lino lizavu, pamo vathu vavali mokomoko vatatu, ou Mwata mwaya nakukuhana echi vakiko navaya nakupwa na lufwelelo lwakutamo lwa kukwata kuchikuto Chenyi, kaha Ikiye mwaya nakukinduluka mu Shipilitu Yenyi na kuzata vene nge omu Ikiye alingile omwo Ikiye apwilenga hano hamavu, ove muya nakupwa

wakusuuluka kwitavila Ikiye kupwa Mukakuka chove? Munahase kuchilinga echi? Hanjikenu, “Amena,” kachi enu namuhasa. [Chikungulwilo ngwacho, “Amena.”—Muka.] Echa Ikiye achiwane, chikiko kulomba chami. Jino enu lombenu. Kaha kachi enu . . .

¹²⁷ Vathu vangahi vali nakuviza muno vanatondo kuhinduka? Katula livoko lyove. Kwozena, chosena chakwoloka, vathu vakuviza vaze vanatondo kuhinduka.

¹²⁸ Jino, kachi kuli kalamuthu muli ino zuvo ize Nguli . . . Ngunahono kutachikiza naumwe pimbi uze Nguli nakutalaho.

¹²⁹ Ngwashingtonyeka echi chinapu Rosella natwame hano, kanyike wapwevo wamundende apwile kunwa wala, nge vamusanyikile kufuma mukuliwana kumwe, kupwa mukawala, kaha mandotolo vanamuhichi. Ikiye, omwo ikiye vamusanyikile kuli Mwata, uze kanyike wapwevo atachikiza kanda lyehi Ngumumone ikiye mokomoko kumwijiva ikiye. Kaha Mwata amulwekele ikiye ha chiyoyelo chenye na seteko yenye, kaha amulwekele ikiye nge mwaya nakupwa kanawa. Kaha uno ali hano ufuku, luheto lwa likoji lya Kalunga. Kunwa wala, palanga ndotolo hanyima ya ndotolo kwalumuka nakuya, na Wakuzeneka lijina Wawala. Ngwamutachikiza ikiye.

¹³⁰ Oloze, mujila yikwavo, Nguli vene wakukunyuka nge ou ndumbu walunga kutala hali yami, natwame hano na suti ya wele, ikiye napu ndumbu walunga uze eji kutuneha jitemo. Ngwafwelela echi chakwoloka. Kangweshi—Kangweshi kuhasa kushinganyeka lijina lyenyi jino. Ikiye apwile kuze kuzuvo yami keshi kunyima chikumako, na Ndumbu walunga Boze, Shultz, Ndumbu walunga Shultz.

¹³¹ Kuweluka wa chize, Ngwashingtonyeka Ngwamwene Ndumbu walunga Fred Sothmann hanyima chindende, kumwe muno muzuvo, oloze Ngwavulyamine kuze apwilenga jino. Chipwengocho, ikiye apwile, hano kumwe.

¹³² Kaha Ngwa—Ngwahono kutachikiza umwe weka. Oloze Kalunga akutachikiza enu vosena. Kachi ove muya nakulomba na kulomba Kalunga, kweseka lufwelelo lwove.

¹³³ Kaha kanda umwe kutambuka nakujinguluka jino, pwenu vakuunda hatando yayindende. (Jino *Fwelela Kaha* kachi enu namuya.) Kaha kupwa kaha mukalemesa nge omu muhashila kupwa tando yayindende, kaha twama kaha kulu.

¹³⁴ Shinganyeka kaha, Kulishitu ashikile echi. “Chindende kaha, kaha kaye kakeshi Kungumonako chekako; oloze enu namukaya Nakungumona, mwomwo Nguli . . .” (“Nguli,” keshi wekako. *Nguli* kuvuluka muthu.) “. . . Nanguya nakupwa na enu nakumakumishilo akano kaye. Vyuma Ngulinakulinga, namukayilinga nayenu nawa.” “Yesu Kulishitu youmwe zau, lelo, na hayamyaka.” Ou unapu muchano? Echi chatela kupwa muchano.

¹³⁵ Chamwaza, Nguli wokusakwilila kuli Mwata. Nanguya... Enu munahase kuzundula mitwe yenu kachi enu mwatondo.

¹³⁶ Hano vene halifumbila jila, hano vene halifumbila jila. Ali pwevo wamulatu. Pwevo wakalemesa, Kangwakutachikizako. Kalunga akutachikiza ove. Oloze kuli Kumunyika helu lya pwevo jino. Ikiye ali... Kachi Mwata mwaya nakusolola kuli yami ukalu wove uka, kaha ove uli nakulomba hali echi, ove muya nakufwelela nge Ali Mwata Yesu kukukafwa ove? Ove watela kupwa muukalu, mokomoko chumachimwe ove uli nakufwila, mwomwo Chize chili.

¹³⁷ Talenu, masepa, enu ngwenu, "Chamwaza, Kangweshi nakumona Echiko." Chize chinapu chachashi enu kamweshi kuhasa kumona Echiko. Nguli nakutala hali Echi. Talenu? Enu ngwenu, "Chamwaza, Ndumbu walunga Branham, kachi enu munahase kumona Echi na vishinganyeka vyenu, Ngunahase, nawa." Mamalelo, nduma.

¹³⁸ Paulu amwene Chize, uze Yesu muchifwanyisa cha Kumunyika, kaha vaze vapwilenga na ikiye kavahashile kumona Chizeko. Talenu? Vaze Malunga vakamangana vamwene Tanganyika, chize Kumunyika chavatwaminyinyine, oloze naumwe pimbi amwene Chize. Echi chili kaha cha vamwe. Chinapu mawana.

¹³⁹ Uze pwevo ali naukalu wakujimba mumazulu. Echi chakwoloka. Ove nawa uli naukalu wa muchima. Echi chili vene chakwoloka. Ivwulilenu, lijina lyove lili, vakiko veji kumivuluka kupwa "Essie." Uh-huum. Lijina lyove lyamakumishilo lili Upshire. Hu-huum, hu-huum. Ove muyoyela ha Khuto Cleveland Street. Keyala yove ili 1264. Echi chili vene chakwoloka. Ove... Ove wakwachile Chumachimwe, pwevo wakalemesa. Ove unatachikiza nge ove kawangukwachileko.

¹⁴⁰ Uze kanyike wapwevo natwame kwakamwihhi na ove okwo, ikiye ali nakulomba, nawa. Kaha ikiye kulombelela muthu umwe weka, kaha uze ikiye mama yove, kaha ikiye ali nachuma chimwe chakuhenga mulihuyungu lyenyi. Kaha ove uli mukulinunga na mapwevo *hano*. Ove unapu nayewenu yenyi. Kaha lijina lyove ove Margraret. Echi chakwoloka. Kaha enu namuyoya muchihela chochimwe. Ngunamono enu kwiza, na kwingila.

¹⁴¹ Ove washinganyeka ika hali echi, mwane, muthu wakushisaho natwame haze? Ove wafwelela nge Yesu Kulishitu kupwa Mwana Kalunga? Ove mulinga? Kachi Mwata mwaya nakusolola kuli yami ukalu wove uka, nauya nakumwitavila Ikiye? Ove uli naukalu wamujimo. Echi chakwoloka. Kachi echi chakwoloka, imana hamahiji ove. Chakwoloka. Ove unapu mukakunangula.

"Mukikovene," ove ngwove, "ikiye ali nakutala hali vakakunangula jenyi."

142 Chosena chakwoloka, kusali ya chize, muthu umwe kushinganyeka enu kupwa ka Pulishiteliyani, oloze enu munapu mukakunangula wa Pendekosita. Echi chakwoloka. Amena. Kulizakamina chove chikiko cheji kutunganga jimbandu. Nayi. Yako kwimbo na kupwa kanawa, ndumbu walunga. Amena.

Pwenu nalufwelelo muli Kalunga. Kanda kaha kukakasanako.

143 Ove washinganyeka ika, kutwama hano vene? Eyo. Huu-hu. Ove wafwelela? Ove wafwelela yami kupwa ngamba ya Kalunga? Mokomoko, enu mwatondo chumachimwe kufuma kuli Kalunga? Kachi Kalunga mwaya nakusolola kuli yami chumamuka ove unatondo, namuya nakufwelela nge Ngolo jaukalunga kulingika? Enu mwafwelela echi, mukiko vene Yesu mwaya nakuhanjika? [Uze ndumbu wapwevo ngwenyi, "Muchima wami wosena."—Muka.] Muchima wove wosena. Ove uli na kukula, kaha chize kusoka chili hamahiji ove. Echi chakwoloka. Kaha ove nawa uli naukalu wa mujimo. Echi chafumine kuukalu wa kulizakamina. Echi chakwoloka. Huu-hu. Lijina lyove linapu Eva May, Readman lijina lyove lya makumishilo. Ove uli nakuyoyela mujila, 1378 Mulauko wa Mujila ya 13. Echi chakwoloka.

Mangana ove utachikize nge Yami ngu ngamba ya Kalunga, ou ikiye kanyike kove wapwevo natwame haze. Ove uli nakutonda kumulombelela ikiye. Uze kanyike wapwevo apwile na mikila, kaha vakiko kwiza hali ikiye omwo ikiye mwawahilila mokomoko kuya nakulila chikuma. Omu MUKIKO MWANAMBE MWATA.

Uze kanyike walunga wamundende ali ndumbwenyi walunga. Echi chakwoloka. Uze kanyike walunga wamundende, nawa, ove unatondo kulomba. Ikiye ali naukalu wakuhona kunyela, kaha nahokama chikuma kalinwaha, nawa. Kumana ikiye ko? Omu MUKIKO MWANAMBE MWATA.

144 Uze pwevo utoma natwame kwakamwihi na ove, chasoloka nge ikiye ali wakuluwangisa hachuma chimwe. Ove wafwelela, ndumbu wapwevo? Ove wafwelela nge Kalunga natumu Mwa Neyi, Yesu Kulishitu, kusolola chisemunuino cha Vakamafuchi eka na eka nge Ikiye linwaha? Ove ukwechi ukalu wanyangwa ove uli nakuyanda na, kaha nawa ukalu wa chitomba, kaha ove uli nakulizakamina. Ove kaweshi kufuma mumbongiko, chipwe. Ove wafuma ku Maji. Nambala yove, oho ove uli nakuyoya, yinapu 12134 Fandler Street. Echi chakwoloka. Detroit, Michigan. Ove unapu ka Italya. Lijina lyove linapu Viola P-o-l-o- . . . Polomba. Hu-huu. Pwako nalufwelelo muli Kalunga, kaha kutambula ocho ove mulomba.

145 Chuma muka ove mushinganyeka, muno mujila? Ove wafwelela namuchima wove wosena?

¹⁴⁶ Ngachilihi ove, pwevo wakalemesa wamundende natwame haze? Ove wafwelela namuchima wove wosena, pwevo wakalemesa wamundende kusongo kuze? Chamwaza, enu vosena, keshi chumako. Chuma muka ove mushinganyeka, ove uli kuze na . . .hakamwihi na ikiye? Ove wafwelela namuchima wove wosena, naye wamundende natwame, kutala hali yami? Ove washinganyeka ika hali echi? Ove wafwelela nge Mwata Yesu mwaya nakukuhindula mishisa yakuhandunuka ize ove ulinacho? Ove wafwelela? Pamo ove unahase kushinganyeka echi, ove muya nakufwelela chikuma kachi Nangukulweka lunga lyove kupwa naukalu wamulitwitwi; ove unatondo ikiye alombele. Echi chili vene chakwoloka. Huu-hu. Jino ove wafwelela yami? Ove kaweshi kupwa nachoko, chatete. Chize kutona kana ove unatono kuchuma kana, mwomwo ove watambwile kuka jino.

¹⁴⁷ Ove wazundulanga livoko lyove, owo pwevo wakalemesa. Washinganyeka muka hali echi? Ove wafwelela nge Kalunga mwaya nakukulingisa ove kupwa wakulikangula? [Uze Ndumbu wapwevo ngwenyi, “Ngunatachikiza Ikiye nahase.”—Muka.] Ove muya? Chosena chakwoloka, kahajino musongo wove wakatenda muvifuwa nauya nakukuseza. Ove wafwelela? Huu?

¹⁴⁸ Enu mwashinganyeka ika, mwane, enu mwahwingisa mavoko enu? Ove wafwelela Kalunga mwaya nakukuhindula ukalu wamuchima wove, mwakulingisa ove kupwa kanawa? Ove wafwelela Ikiye mwaya?

¹⁴⁹ Ove, kutwama, kutala hali ikiye haze, ove wafwelela, nawa? Ove unatondo Kalunga . . .Ove wapwanga naukalu wa muchima, nawa, keshi ngochoko? Eyo. Kaha ove wapwilenga na shuka, nawa. Echi chakwoloka. Ove wafwelela Kalunga mwaya nakukulingisa ove kupwa wakulikangula? Kahajino ove unahase kupwa na echi.

Ove kawafwelela ko? Pwako nalufwelelo muli Kalunga!

¹⁵⁰ Chuma muka chili hano? Ove, mwane, natwame kuze kusongo ya chitwamo, ove wafwelela? Ove watela. Ove vakuhinduka. Ove wapwanga na ukalu wa mahinji, keshi ngochoko? Ove wafwelela nge Mwata Yesu . . .Oloze ove uli nakulombela mthuumwe nawa jino, uze napu ndumbwenu, kaha ikiye ali mu Wisconsin. Ikiye apwile kaha wa kupula ha lisuli lyenyi. Chimbwa chapwile chakufuma. Echi chakwoloka. Enu mwafwelela? Jino ove unahase kutambula ocho ove mulomba.


Mamalelo, kukisula chipwenga ku Lijina lya Mwata!

Nanguya nakumwalisa Ikiye, Nanguya
nakumwalisa Ikiye,
Kumwalisa mwana Mukoko wakujihila hali
mukashili;
Muhanenu Ikiye upahu enu vathu vosena,

Mwomwo Manyinga Enyi anakoso mapenga
osena.

¹⁵¹ Mwata Wakukisula, etu natuya nakumona Ove likumbi limwe kwiza Mwilu. Etu tunatachikiza Ove uli hano jino mu Mujimba wa mushipilitu, Ove unamuvuluka Ove Lyavene kupwa wakukupuka kuli etu. Aka kaye kakeshi kuhasa kutangako, Mwata. Etu katweshi numba kushinganyeka, mwomwo Ove ngwove, “Vakiko kaveshi kukangumona Yami chekako.” Oloze etu tunatachikiza nge Ove ukwechi vana vaze vanahase kumona Ove. Etu tukwechi vana vaze vanatachikiza Ove, kaha etu tuli vakusakwilila hali echi.

¹⁵² Kaha etu twalombo jino nge Ove muya nakuhita muli ino zuvo, na Shipilitu Wajila wamunene, na kuka muthu wosena wakuviza muno. Jino tambula upahu kuli Ove lyavene, Mwata. Echa vathu vahone kutwama wakufwa, oloze echa vakiko vakatuke na kumunyika, kaha—kaha kumuhana Kalunga kwalisa na upahu. Mu Lijina lya Yesu.

¹⁵³ Kachi ove unafwelela Ikiye, imana hamahinji ove na kumuhana Ikiye kwalisa na muchima wove wosena. Kaha kuwahilila muli Mwata Yesu, mwomwo Ikiye jino mukakuka muthu himuthu, ha upahu Wenyi wa Ukalunga. Ou Mwata amikisule. Amena. 

58-0108 Kusoneka Chahambango
Lane Tech High School
Chicago, Illinois U.S.A.

LUVALE

©2026 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembu kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org